

楚

寶

楚寶卷十八

明 梁 繇 高世泰彙旃父鑒定

湘潭後學周聖楷輯纂

同邑王

信較訂

文苑

朱昂

朱昂字舉之其先京兆人世家漢陂塘天復末徙家  
南陽梁祖纂唐父徐光與唐舊臣顏義李濤數輩挈  
家南渡寓潭州每正旦長至必序立南嶽祠前北望

號○慟○殆○二○十○年○後○濤○北○颺○葆○光○樂○衡○山○之○勝○還○家○焉○  
後○徙○江○陵○昂○少○與○熊○若○谷○鄧○洵○美○同○學○朱○遵○慶○好○讀○  
書○人○號○之○爲○朱○萬○卷○昂○爲○小○萬○卷○昂○常○問○行○經○廬○  
陵○道○以○人○謂○之○曰○中○原○不○久○當○有○真○主○平○一○天○下○  
子○仕○至○四○品○安○用○南○爲○遂○北○遊○江○淮○時○周○世○宗○南○征○  
韓○令○坤○統○兵○至○揚○州○昂○謁○見○陳○治○亂○方○畧○令○坤○奇○之○  
畧○權○知○揚○州○揚○子○縣○適○兵○革○之○際○逃○亡○過○半○昂○便○室○  
綏○輯○復○逋○亡○者○七○千○餘○家○令○坤○卽○表○授○本○縣○令○宋○初○  
爲○衡○州○錄○事○參○軍○嘗○讀○陶○潛○閑○情○賦○而○慕○之○因○廣○其○

辭曰維稟氣兮清濁、獨得意兮虛徐、耳何聰兮無瑱、  
衣何散兮無裾、務與懷于得喪、寧動體乎蓄畬、將使  
同方姬孔、抗迹孫、遠精篤、廣漢心、遊太虛、傲朝曦兮、  
南榮、遡夕、颺兮、北、疏、非、道、之、病、惟、情、之、舒、繇、是、含、頴、  
懷、精、凝、和、習、懿、耄、齋、淪、兮、幽、憂、德、芬、馨、兮、周、比、井、無、  
漂、兮、泉、融、珠、潛、輝、兮、川、增、又、何、必、陋、雄、之、向、玄、笑、奕、  
之、心、醉、悲、累、之、素、絲、歎、展、之、下、位、苟、因、時、之、明、揚、乃、  
斯、文、之、不、墜、睇、煙、景、兮、飄、飄、心、懸、旌、兮、搖、搖、感、朝、榮、  
而、夕、落、嗟、響、蛩、而、鳴、蛩、始、藏、器、以、有、待、因、寄、物、而、長、

謹願在首而爲弁。束玄髮而未衰。會名器之有得與。  
纓珥兮相安。願在足而爲舄。何坎險之罹憂。欲効勤  
於豐玄。思追踵於浮丘。願在服而爲袂。傳繒素而飭  
躬。異化緇之色。涅靈拭面而道窮。願在目而爲鑑。分  
妍醜於崇朝。驚青陽之難久。庶白首以見招。願在地  
而爲策。當暑源而冰寒。伊虜革之尙攻。胡寤寐以求  
安。願在觴而爲醴。不亂德而溺真。體虛受之爲器。華  
誦性以歸淳。願在握而爲劍。每輔祗而保裾。殊鉛鉅  
之效用。比劘刃而有餘。願在橐而爲矢。美箬羽之斯

全。疇。懋。動。而。錫。晉。射。窮。壘。而。劒。燕。顧。在。體。而。爲。乘。託。  
鉞。縷。以。成。功。非。珍。華。而。取。飾。將。被。服。而。有。容。願。在。軒。  
而。爲。篁。貫。歲。寒。而。不。改。挺。介。節。以。自。持。廓。虛。心。而。有。  
待。人。之。願。兮。寶。繁。我。之。心。兮。若。此。蓄。爲。志。兮。璞。藏。發。  
爲。文。兮。霧。委。旣。持。瑾。兮。掌。瑜。復。擷。蘭。兮。執。正。始。無。言。  
兮。植。杖。終。俛。首。兮。嗟。髀。振。襟。兮。自。適。覩。物。兮。解。頤。露。  
無。心。兮。遐。舉。蘿。倚。幹。兮。叢。滋。想。陵。谷。之。變。地。况。玄。黃。  
之。易。絲。人。可。汰。而。可。煨。已。不。磷。而。不。緇。苟。一。鳴。而。驚。  
人。何。五。鼎。而。勿。飾。已。而。權。膝。清。嘯。傾。懷。自。寬。樞。系。戶。

華兮差樂。鳴飛樓躍兮。胡難指夜。蟾兮爲伍。仰跡竚兮。邀歡何孫。牧而伊耕。何巢箕而呂磻。滌我慮。綵清我眠。環玕周旋兮。有則徙倚兮。可觀終卷。舒兮自得。契休哉。於考槃。李昉知州事。暇日多召語。且以文爲贊。昉深所嗟。賞歷宣城。令開寶中。拜太子洗馬。知蓬州。徙廣安軍。會渠州妖賊李仙衆萬人。劫掠軍界。昉設策擒之。果合渝涪四州民。連結爲妖者。置不問。蜀民遂安。宰相薛居正稱其能。遷殿中丞。知泗州。嘗作隋河辭。又聚淮水流屍三千爲塚。瘞之。有戍卒謀

亂昂誅其首惡餘黨誅誤者貴之遷監察御史江南  
轉運副使太平興國二年知鄂州加殿中侍御史爲  
峽州路轉運副使改庫部員外郎端拱二年直秘閣  
賜金紫久之出知復州表求謝事不許遷水部郎中  
復請老召遠尋兼越王府記室參軍真宗卽位遷司  
封郎中俄知制誥判史館受詔編次三館秘閣書籍  
加吏部咸平二年召入翰林爲學士踰年拜工部侍  
郎致仕遣使就第賜罷幣給全俸詔本府歲時存問  
章奏聽附驛以聞命其子正辭知公安縣以便侍養



許○歸○江○陵○舊○制○致○仕○官○止○謝○殿○門○外○昂○特○延○兒○命○坐○  
恩○禮○甚○厚○令○俟○秋○涼○上○道○遣○中○使○賜○宴○于○玉○津○園○兩○  
制○三○館○皆○預○仍○詔○賦○詩○餞○行○緝○紳○榮○之○昂○前○後○所○得○  
俸○賜○半○購○奇○書○以○諷○誦○爲○樂○及○是○閑○居○自○稱○退○叟○著○  
資○理○論○三○卷○上○之○詔○付○史○館○第○協○以○純○謹○著○稱○仕○至○  
主○客○郎○中○雍○王○府○翊○善○昂○以○書○招○之○協○亦○告○老○歸○兄○  
弟○皆○省○壽○時○人○比○漢○之○二○疏○知○府○陳○堯○咨○署○其○居○曰○  
東○西○致○政○坊○又○建○二○亭○曰○知○止○曰○幽○棲○頗○好○釋○氏○書○  
晚○歲○自○爲○墓○誌○景○德○四○年○卒○年○八○十○三○門○人○謚○曰○正○

裕先生

澠水燕談錄曰、荆南朱昂博學、有清德、晚年以工  
部侍郎乞骸骨、既得謝、真宗賜坐、寵詔留候、秋涼  
還荆南、故吳淑贈詩曰、浴殿東京初閣筆、渚宮秋  
晚得懸車、比行錫宴玉津園、侍臣皆赴坐、中內侍  
傳詔各賦詩、餞行、凡四十八篇、獨李翰長維詩最  
奇絕、云、清朝納祿猶強健、白首還家正太平、昂第  
協亦退居里中、皆八十餘、時謂渚宮二疏、  
聖楷曰、濂溪遊山詩云、是處塵勞皆可息、時清終

未忍辭官此乃由衷之語有道之言不可及也今  
之巧宦身說歸田心行婚宦不至驅逐病死不已  
豈得藉口濂溪哉嗟乎盡道青山歸去好青山曾  
有幾人歸總爲不知止足所誤耳陳堯咨以知止  
二字名其亭可謂真喚醒矣

夏侯嘉正

夏侯嘉正字會之江陵人少有俊才太平興國中進士仕至著作佐郎嘗使江南撰洞庭賦徐鉉見之曰是木玄虛之流也端拱初太宗聞其名召試辭賦擢爲右正言直史館兼直秘閣賜緋魚元夕上御乾元門觀燈嘉正獻五言十韻詩其末句云兩制誠堪羨青雲侍玉與上依韻和以賜之有俠少終難舉通才列上居之句議者以誠嘉正之好進也未幾被病詔以爲益王生辰使所獲金幣幣得錢輦歸家忽一緡

自○地○起○立○良○久○而○什○聞○者○異○之○嘉○正○疾○遂○篤○月○餘○卒○  
年○三○十○七○

野○客○叢○談○曰○天○下○美○事○安○有○兼○得○之○理○夏○侯○嘉○正○  
喜○丹○竈○又○欲○爲○知○制○誥○嘗○曰○使○我○得○水○銀○銀○半○兩○  
知○制○誥○三○百○平○生○足○矣○二○願○竟○不○遂○而○卒○  
聖○楷○曰○夏○侯○嘉○正○未○遇○時○有○劉○童○子○者○善○命○術○爲○  
之○推○算○曰○將○來○須○及○第○亦○有○清○職○唯○清○貴○自○餘○  
俱○弱○已○俸○外○有○百○金○橫○入○不○病○則○死○由○此○觀○之○非○  
獨○美○事○不○可○兼○得○卽○能○兼○得○之○亦○有○命○在○豈○貪○求○

躁○進○者○之○所○能○及○乎○大○抵○士○人○一○有○俗○念○橫○據○於○  
胸○中○則○其○所○爲○皆○犯○造○物○之○所○忌○故○不○消○折○其○年○  
壽○亦○必○盡○喪○其○生○平○又○何○止○一○夏○侯○嘉○正○哉○予○交○  
游○中○往○往○見○其○人○可○爲○深○戒○

張景

張景字晦之，公安人。少從河東柳開遊，悉出家書。與之嗜學，益力。時富春孫僅、沛國朱巖、成紀李庶、景與麗益聲華。日振其宗，詔有司計偕。天下士景居首。列調館陶簿，坐累謫全州。尋爲房襄二州文學。叅軍陳堯咨知其才，薦爲寶應簿。淮島僞雜，馮戾鱗至，景剪除之。後通理真州事。天禧二年卒。所著有洪範玉霸鼓十篇。

晁氏讀書記曰：張景字晦之，師事柳開，學爲古文。

名震一時。卒官至廷評。年四十九。集二十卷。有文  
百九十三首。禹偁所編。并爲之序。

聖楷按宋史。柳開字仲塗。大名人。幼奇警。有膽氣。  
學必宗經。慕韓愈。柳宗元。爲文。因名肩愈。字紹先。  
旣而易今名字。自以爲能開聖道之塗也。宋開寶  
進士。太平興國中。上書願備選用。其後官歷八。擢  
以卒。門人張景爲行狀。集序集凡十五卷。歐公嘗  
推宋朝古文自仲塗始。葉水心亦謂柳開穆修張  
景劉牧當時號能古文云。



張君房

張君房安陸人宋真宗時爲著作郎時日本國入貢求本國神光寺記舍人辭不工令張君房代之張退食多潛飲市樓掖垣求之不得大窘時种放以司諫歸華山楊大年爲閑忙令云世上何人號最閑司諫拂衣歸華山世上何人號最忙紫微失却張君房晁氏讀書記曰張君房祥符中謫官寧海時聖祖降朝廷盡以秘閣道書付杭州俾戚綸陳堯臣校正綸等同王欽若薦君房專其事君房銓次得四

千五百六十五卷於是掇其縑與總萬餘條成書  
名雲笈七籤一百二十卷仁宗時上之

聖楷曰張君房事無所考今安陸縣東董店有張  
君房墓因編修雲笈七籤得著作佐郎其書至今  
行然不甚佳又撰乘異記三卷敘謂乘者載記之  
名異者非常之事蓋志鬼神變怪之書凡十一門  
七十五事又撰脞說今皆未見

魏泰

魏泰字道輔、襄陽人、曾子宣夫人之弟也、章惇爲相、  
欲官之、不就、作東軒筆錄、碧霞腴、漢南隱書、自稱漢  
南處士、有臨漢集二十卷、黃山谷與之唱和、極推重  
之、嘗和其旅懷見寄云、歲華其將晚、霜葉不可風、生  
理魚乞水、歸心鳥飛空、風塵化衣黑、旅宿夢裙紅、人  
言家無壁、自倚筆有鋒、轉蓬且半歲、交臂各衰翁、扁  
舟去日遠、明月與君同、露晞百年駛、麟獲萬事窮、裝  
懷酒澹淡、塞意霧空濛、諸公尙無恙、不見陳元龍、

米襄陽志林曰魏泰爲人無行而有口每稱童子  
厚泰旣不得志場屋數僞作他人著書如志性集  
括異志倦游錄碧雲騷又自作東軒筆錄皆用私  
喜怒誣讒前人

聖楷曰古今文士如魏泰者不少大抵皆恃才薄  
福不得於時者之所爲也終身埋鬱以死又何怨  
哉因其多作僞書不得不收之爲後來改據者助  
耳

米芾

米芾字元章襄陽人博洽記聞於羣經務通大旨議  
論斷以已意其辭發揚踔厲世儒所不能屈爲文務  
崖絕魁壘要必已出爲工悟竹簡以竹聿行漆故篆  
籀法先秦正書魏晉而下無取愛潤州江山因定居  
北固作寶晉齋前有碧梧甘本甘露降其上蓄王謝  
真蹟右軍紫金石硯善畫古聖賢像及寫山水幅長  
不過三尺制白玉圖書印六文曰辛卯米芾米芾之  
印米芾氏米芾印米芾氏印米芾元章印性至潔置

水其倭數盥而不悅。未嘗與人同服。罷客請閱法書。對設兩案。手爲舒卷。權客手袖觸之。則一裝洗之也。嘗願死作蠹書魚游於金題玉璫間。而無害妙解音律。作五音正韻。用以制律本五聲之音。出於五行自然之理。管仲深明其要。著其形。以爲太平作樂之具。沈隱侯得四聲。而不得宮聲。乃分平聲爲二。以欺學者。陸德明遂以吳音傳會。至是始自五方立五行求五音。乃得一聲於孟仲季位。因金寄土。五音皆具有。聲無形。互相假借。千載之下。神竊鬼秘。無所逃形云。

又著天說備究天地日月旁側盈虛之形撰畫夜六十圖與湖沙大小准援據六經盡黜古今百家之妄其書藏之名山平生與游率天下士蜀魏劉涇長安薛紹彭好奇尚古是其一流人也風神散朗服唐人冠衣簪宇軒然進趨襜如音吐鴻暢雖不識者皆知爲元章也晚爲臨川王公眉山蘇公所深知臨川絕愛其詩摘句書於便面蘇公有云元章奔逸絕塵之氣超妙入神之字清新絕俗之文相知二十年恨知公不盡答曰更有知不盡處修楊許之業爲帝宸碧

落之游。異時相見，乃知也。初宣仁高后在藩，與其父  
丹陽君有舊。元章長於邸中，以恩補校書郎，授舍光  
尉。七遷入淮南幕。改宣德郎，知雍丘縣。乞監中岳廟，  
因號中嶽外史。崇寧間，置書畫學。公時在太常爲博  
士，因進上所藏書，若畫皆不下一品。優禮答之，詔用  
黃庭小楷書千文。出知常州，不赴。改管勾洞霄宮，就  
除知無爲軍。元章性好石，無爲公解有奇石。元章驚  
喜曰：「吾當兄事之。」遂具袍笏再拜。未幾召爲書畫學  
博士，尋擢禮部員外郎。以言者罷。知淮陽軍。彌年瘳



生於首卽上書謝事不允卒於罷齋年五十有七  
觀三年塋於丹陽長山下有自寫海嶽菴淨名齋圖  
著山林集十卷並傳於代丹陽蔡肇嘗銘其墓予怪  
其敘事多脫落故爲搜剔舊聞補葺爲中嶽外史傳  
皆賀知章號秘書外監而元章號中嶽外史張長史  
旭稱賀八清鑑風流千載一人也予用爲米元章傳  
贊當世不能損益云

米元章淨名齋記曰帶江萬里十罷百邑繚山爲  
城臨流爲隍者惟吾丹徒重樓參差巧若圖剋地

勢極倪而雲霞出沒星辰挂腹而天光不夜高三  
景小萬有者惟吞甘露東北極海野西南朝數山  
者謂之多景然臺殿羽張寶堵中盤五州之後與  
西爲阻若夫東眺京峴西極棲霞平林坡陀淮海  
之域遠岫隱見滌泗之封洪流東招白沙之雲濤  
如線大磧南絕中澤之蟲屬蔚起筆山之隙茗薺  
雙聳五州之外嶒嶸千疊黃鶴寶勢珠捧于豆長  
山異氣龍蠱于天晨曦垂虹時媚于左長庚纖月  
每華其右千林霜落萬嶺雲饒春羣于西邪而秋

留于南巖者惟吾淨名天下佳山水固多矣在東  
南則杭以湖山鄣其境洪以西山彌其望潭以嶽  
麓周其區皆一山也而望兩邦逮窮荒迢遞發周  
羽皇之歎者有之矣百川匯流而赴北既濬既淵  
亦沃亦蕩也多山引嶺而趨東且列且驅各羣各  
醜也吾齋在萬井之中半天之上乃右卷而一揖  
焉此其所以得山川之多而甲天下之勝也至若  
水天鑑湛而博望弭檣葭葦柳鳴而詹何投餌洪  
鐘動而飛仙下疾飈舉而連山湧地祇聽法水怪

効珍。或鵬雲壓山海。氣吞野。纖雲漏月。清竊韻松。  
梵羅密而露光生。陰霧合而太靈秀。瑰奇忽恍。又  
不可得而詳言之。襄陽米元章將卜老丹徒。而仲  
安長老以道相契。會內閣蔣公穎叔。以詩寄云。京  
塵汨沒興如何。歸棹翩翩逐薜蘿。畫室生涯寄京  
口。滿床圖籍鏤巖阿。六朝人物東流盡。千古江山  
北固多。爲借文殊方丈地。中間容取病維摩。於是  
安公以其末句命名。余居亦冀公之與余同此樂。  
也。念老矣無佳句。壓其勝後之登吾齋。攬吾勝者。

得不爲吾賦乎。

徽皇聞米元章有字學。一日於瑤林殿。張絹圖。方  
廣二丈許。設瑪瑙硯。李廷珪墨。牙管筆。金硯匣。玉  
鎮紙。水滴。召米書之上。出簾觀。看令梁守道相伴。  
賜酒果。元章乃反繫袍袖。跳躍便捷。落筆如雲龍。  
飛動。聞上在簾下。回顧抗聲曰。奇絕。陛下上大喜。  
畫以硯匣鎮紙之屬。賜之。尋除書學博士。一日  
上與蔡京論書。艮嶽召帝至。令書一大屏。顧左右  
宣取筆硯。而上指御案間端硯。使就用之。帝書成。

卽捧硯跪請曰此硯經賜臣濡染不堪復以進御  
取進止上大笑因以賜之帝舞蹈以謝卽抱負趨  
出餘墨霑袍袖而喜見顏色上顧謂蔡京曰顛  
名不虛得也京奏曰帝人品誠高所謂不可無一  
不可有二者也

元章守漣水地接霽壁甯石甚富一一品第加以  
美名人翫則終日不出時楊次公爲憲使因往廉  
焉正色言曰朝廷以千里羈邑付公那得終日弄  
石都不省錄罷事米趨前曰固也乃搢笏於左袖

中取一石嵌空瑤瓏峯巒洞穴皆具色極清潤宛  
轉翻覆以示楊曰如此石安得不愛楊殊不顧乃  
納之袖又出一石疊嶂層巒奇巧又勝又納之袖  
最後出一石盡天劃神鏤之巧顧楊曰如此石安  
得不愛楊忽曰非獨公愛我亦愛也卽就米手攫  
得之徑登車去米以楊奪其所最惘然自夫者累  
月米南宮相石法曰瘦曰秀曰皴曰透  
米元章晚年學禪有得知淮陽軍未卒先一月區  
處家事作親朋別書盡焚其所好書畫奇物造吞

楠木棺飲食坐臥書判其中前七日不茹葷更衣沐浴焚香清坐而已及期徧請耆僚舉拂示衆曰衆香國中衆香國中丟擲拂合掌而逝潤州鶴林寺有馬素塔唐人詩因過竹院逢僧話卽此地也襄陽米元章愛其松石沉秀誓以來生爲寺伽藍永護名勝公沒時鶴林伽藍無故塌下里人知公欲還宿願於此至今祠于寺之左黃寔師是言爲發運使時大暑泊清淮樓見米元章衣幘鼻自滌硯於淮口因索之篋中獨小龍團



二。餅。亟。遣。人。遺。之。赴。其。滌。硯。未。畢。也。我。生。平。有。此。事。頗。自。慰。云。

崇寧間米元章爲江淮發勾揭牌於行舸之上曰米家書畫船黃山谷贈之詩曰萬里風帆水著天麝煤鼠尾過年年滄江盡夜虹貫月定是米家書畫船。

倪雲林題米南宮石刻遺像云米公遺像刻堅珉猶在荒煙野水濱絕歎莓苔迷憐澹細看風骨尙巉峗山中仙塚芝廕長海內清詩語最新地僻無

人○打○碑○賣○每○懷○英○爽○一○傷○神○

聖○楮○曰○昔○吾○友○秀○水○范○長○康○與○米○襄○陽○同○癖○購○奇○  
石○曰○舞○蛟○蓋○李○唐○時○物○元○趙○魏○公○所○題○也○長○康○買○  
宅○臨○之○日○夕○吟○嘯○其○下○并○蒐○積○元○章○遺○事○爲○米○襄○  
陽○志○林○分○十○三○日○爲○十○三○卷○而○元○章○自○著○名○言○研○  
史○詩○文○雜○議○各○成○表○一○時○名○宿○咸○有○序○跋○今○長○康○  
沒○二○十○餘○年○矣○予○藏○其○書○若○新○不○覺○爲○之○隕○涕○因○  
開○採○一○二○事○附○傳○後○吾○友○英○霸○庶○幾○有○託○

狄遵度

狄遵度字元規，吳沙人。宋樞密直學士、裴之仲子也。少穎悟，篤志於學，每讀書，意有所得，卽仰屋瞪視，人呼之弗聞也。舉進士，一斤於有司，恥不復爲，以父任爲襄縣主簿。居數月，棄去，好爲古文，著春秋雜說，多所發明。嘗患時學靡敝，作擬皇太子冊文，除侍御史，制裴晉公傳，人多稱之。尤嗜杜甫詩，嘗讀其集，一夕夢見甫爲誦，世所未見詩及覺，纔記十餘字。遵度足成之，後數月卒，有集十二卷。

聖緒按狄斐字輔之少隨父官徐州以文謁路振  
振器愛之妻以女舉進士知廣州代還不以海物  
自隨人稱其廉在河中時有中貴過魏言將授斐  
于上斐拒之退而語所親曰吾湘潭一寒士今官  
侍從可垂老自汙耶王荊公志其墓六子惟遵度  
最知名夢中記杜詩云夜臥北斗寒擣枕木落霜  
拱鴈連天亦奇句

鄧忠臣

鄧忠臣字慎思，湘陰人。熙寧三年進士，仕至考功郎中。坐元符黨廢，不用言者論其議范忠宣謚過實，又坐罰銅崇觀間卒。平生著述至多，嘗和杜詩全帙，又嘗獻郊祀慶成賦，屈原廟詩百韻。裕陵喜之，擢爲館職。今皆軼弗得，所存一二而已。有玉池集十二卷、玉池其所居山峯名。

聖楷按：忠臣卒，贈直秘閣，官其第。孝臣亦高士也。杜門力學，宣和間屢辟不就。年七十猶手不釋卷。

以行該聞于世

廖正一

廖正一字明畧世家安陸之竹林元祐中召試館職  
蘇子瞻在翰林見其所對策大奇之俄除正字時黃  
秦晁張皆子瞻門下士號四學士子瞻待之厚每來  
必命侍妾朝雲取密雲龍家人以此知之一日又命  
取密雲龍家人謂是四學士窺之乃明畧來謝也紹  
聖間明畧貶信州玉山監稅鬱鬱不得志喪明而歿  
自號竹林居士有竹林集三卷

葉石林序畧曰明畧嘗言吾深服左氏而樂道范

曄之秀正溫繹曄嘗自叙其書以爲但多公家之言而少事外遠致吾所恨亦云丘明不可及也異時有真吾於曄伯仲之間吾尙無愧往有評吾文似尹師魯者吾雖不學師魯然意善其言是時余見明畧文固多知其所自道不誣也明畧自爲舉子時卽不汙襲場屋一語再舉而取進士其所試傑然已若可以名世者至今爲學者推重蓋其用志深苦而思致精慤淵源所從來者遠矣每一出語輒有區域町畦未有卒然而作者至于出入經



傳○驅○駕○前○言○左○指○右○摘○比○次○回○曲○他○人○咀○嚼○枰○枰○  
終○不○能○安○者○明○畧○繩○約○隱○括○如○以○利○刀○摧○朽○木○尺○  
筭○呵○羣○羊○無○不○如○意○故○其○典○奧○簡○潔○音○節○道○峻○精○  
新○煥○發○使○人○讀○之○不○覺○矍○然○增○氣○惜○其○蚤○困○不○得○  
盡○用○所○長○始○元○祐○初○天○下○所○推○文○章○黃○張○晁○秦○號○  
四○學○士○明○畧○同○直○三○館○軒○輊○諸○公○間○無○所○貶○屈○欲○  
自○成○一○家○然○其○流○落○不○偶○畧○相○似○云○  
聖○楷○按○明○畧○元○豐○二○年○登○時○彥○榜○進○士○初○授○華○陰○  
司○理○叅○軍○累○官○至○端○明○殿○學○士○出○知○常○州○亦○不○可○

如○謂○不○遇○矣○乃○至○鬱○鬱○喪○明○而○歿○耶○文○士○習○氣○大○都○  
此○然○其○著○作○爲○世○所○重○卒○亦○不○傳○惜○哉○

潘大臨

潘大臨字邠老，黃岡人。與第大觀俱以詩知名。蘇東坡在黃州時，邠老多從之遊。及東坡去，以雲堂付之。邠老因以居焉。

黃山谷書倦殼軒詩後曰：潘邠老密得詩律於東坡。蓋天下奇才也。

聖潛按邠老詩學山谷，與陳無已、謝無逸、徐師川、饒得操、韓子蒼皆其法嗣。謂之江西詩派，謝無逸嘗以書問潘邠老，近作新詩否？答曰：秋來景物件

件○是○佳○致○昨○日○清○臥○開○攪○林○風○雨○聲○遂○起○題○葉○日○  
滿○城○風○雨○近○重○陽○忽○催○稅○人○至○敗○意○止○此○一○句○未○  
寄○後○潘○旣○下○世○無○逸○念○之○席○爲○三○絕○句○云○

林敏功

林敏功字子仁，新奉人。嘗以春秋鄉薦不第，有詩文百卷，號蒙山集。兵火後不存。今存高隱集七卷。弟敏修字子來，亦善詩，撰無思集四卷。

後村劉氏曰：二林詩極少。曾端伯作高隱小傳云：有詩文百二十卷，今所存十無一二。兄弟皆隱君，子不獨以詩重。

漁隱叢話曰：呂居仁近世以詩得名，自言傳衣江西，常作宗派圖一百三十七卷，自豫章以降，列陳

師道潘大臨謝無逸洪芻饒節僧祖可徐俯洪明  
林敏修洪炎汪革李錞韓駒李彭晁冲之江端本  
楊符謝邁夏倪林敏功潘大觀何顥王直方僧善  
權高荷合二十五人以爲法嗣謂其源流皆出豫  
章也其宗派圖序數百言大畧云唐自李杜之出  
焜耀一世後之言詩者皆莫能及至韓柳孟郊張  
籍諸人激昂奮厲終不能與前作者並元和以後  
至國朝歌詩之作或傳者多依效舊聞未盡所趣  
惟豫章始大出而力振之抑揚反覆盡兼衆體而

後學者同作並和雖體制或異要皆所傳者一子  
故錄其名字以遺來者余切謂山谷自出機杼別  
成一家清新奇巧是其所長若言抑揚反覆盡兼  
衆體則非也元和至今騷翁墨客代不乏人觀其  
英辭傑句真能發明古人不到處卓然成立者甚  
衆若言多倣效舊文未盡所趣又非也所列二十  
五入其間知名之士有詩卷傳于世爲時所稱者  
止數人而已其餘無聞焉亦濫登其列居仁此圖  
之作選擇弗精議論不公余是以辨之

聖楷曰劉後村續詩派序又以東萊繼宗派按東萊名祖謙字伯恭居仁之孫後人以其詩入派中詩以派名已隋惡道又續派焉何宋人不韻若此



# 高荷

高荷字子勉，江陵人。仕宋，直龍圖閣，有還、還集二卷。後村劉氏曰：子勉親見山谷，經指授，記覽多如麥城詩。押險韻，畧無窘態。集中健語層出，紫微公詩派乃以殿諸人，何耶？可升。

聖階曰：山谷跋高子勉作詩云：以杜子美為標準。用一事如軍中之令，置一字如闕門之鍵，而充之以博學，行之以溫恭，蓋天下士也。又跋歐陽元老詩：此詩入陶淵明格律，頗雍容，使高子勉追之，或

未能然。子勉作唐律五言數十韻。用事穩貼。置字有力。元老亦未能也。其推許如此。惜未得全集讀之。又按詩派中夏倪字均父。蘄春人。仕宋。知江州。有遠遊堂集二卷。如擬陶韋五言古作俱佳。

米友仁

米友仁字元暉元章子也幼年黃山谷贈詩曰我  
元暉古印章印刻不忍與諸郎虎兒友仁筆力能扛鼎  
教字元暉繼阿章遂字元暉元章嘗置書學之初  
召爲博士賜對便殿因上友仁楚山清曉圖旣退賜  
御書畫扇各二事友仁宣和中爲大名少尹天機超  
逸不事繩墨其風氣肖乃翁也每自題其畫曰嬰戲  
被遇光堯官至工部侍郎敷文閣直學士日奉清閒  
之燕方其未遇時士大夫可得其筆旣貴甚自秘重

誰親傳問無後得之年八十神明不衰無疾而逝弟友知亦善楷法其父希嘗云幼兒友知代各書碑及作八字更無辨門下許侍郎尤愛其小楷云每示簡可使令嗣書謂友知也

格古要論曰米元暉紹興中權兵部尚書高宗奉待甚厚能傳家學山水畧變父法自成一家煙雲變滅林泉點綴草草而成不失天真也畫紙不用膠礬不肯於絹上畫臨摹古畫則一用之

易元吉

易元吉字慶之，長沙人。初工花鳥，及見趙昌畫，乃曰：世不乏人，遂游荆湖，搜奇訪古，幾與獐、狔、鹿、豕同遊。故口傳目擊之妙，一寫於毫端。又於長沙舍後開圃，鑿池以亂石、叢篁、梅、菊、葭、葦、馴養水禽、山獸，伺其動靜，以資畫思。尤善畫獐、狔，評者謂徐熙以後一人而已。畫上多自書「長沙助教易元吉畫字慶之」。米南宮畫學曰：「易元吉，徐熙後一人而已。善畫草木、葉、心、翎、毛，如唐徐後，無人繼世，但以獐、猿稱可。」

歎或云畫孝嚴殿壁畫院人妬其能只令畫獐獐  
竟爲人所煬又云余收易元吉逸色筆作蘆如  
真上一鴈鶴活動晉卿借去不歸  
聖楷按長沙易元吉畫人多不知故特拔之文苑  
使與湘煙潭露點染生香亦一快事也

王質

王質字景文其先鄆州人後徙興國質博通經史善屬文游太學與九江王阮齊名阮每云聽景文論古如讀酈道元水經名川支川貫穿周匝經有間斷咳唾皆成珠璣質與張孝祥父子游深見器重孝祥爲中書舍人將薦質舉制科會去國不果著論五十篇言歷代君臣治亂謂之朴論中紹興三十年進士第用大臣言召試館職不就明年金主完顏亮南侵御史中丞汪澈宣諭荆襄又明年樞密使張浚都督江

淮皆辟爲屬入爲太學正時孝宗屢易相國論未定  
質乃上疏曰陛下卽位以來慨然起乘時有爲之志  
而陳康伯葉義問汪澈在廷陛下皆不以爲才於是  
先逐義問次逐澈獨徘徊康伯難於進退陛下意終  
鄙之遂決意用史浩而浩亦不稱陛下意於是決用  
張浚而浚又無成於是決用湯思退今思退專任國  
政又且數月臣度其終無益於陛下夫宰相之任一  
不稱則陛下之志一沮前日康伯持陛下以和和不  
成浚持陛下以戰戰不驗浚又持陛下以守守旣固



思退又持陛下以和陛下亦嘗深察和戰守之事乎  
李牧在鴈門法至於守守乃有戰祖述在河南漢至  
於戰戰乃有和羊祜在襄陽法至於和和乃有守備  
至分而不使相合今陛下之心志未定規模未立或  
告陛下金弱且亾而吾兵甚振陛下則勃然有勒燕  
然之志或告陛下吾力不足恃而金人且來陛下卽  
委然有盟平涼之心或告陛下吾不可進金不可入  
陛下又蹇然有指鴻溝之意使臣爲陛下謀會三者  
爲一天下烏有不治哉天子心知質忠而忌者其說

質年少好異論遂罷去會虞允文宣撫川陝辟發條  
行一日令章檄契丹文援毫立就辭氣激壯允文起  
執其手曰景文天才也入爲勅令所刪定官遷樞密  
院編修官允文當國孝宗命擬進諫官允文以質鯁  
亮不同且文學推重於時可右正言時中貴人用事  
多畏憚質陰沮之出通判荆南府改吉州皆不行奉  
祠山居絕意祿仕淳熙十五年卒

陳氏書錄曰富川王質景文有雲山集三卷質遊  
太學治詩有聲仕爲樞屬常著詩解三十卷未之

見也

聖楷按王阮字南卿江州人好學尙氣節登隆興  
元年進士第熙寧中知撫州韓侂冑宿聞阮名特  
命入奏將誘以美官夜遣密客詣阮阮不荅私燭  
所親曰吾聞公卿擇士士亦擇公卿劉歆桡宗元  
失身匪人爲萬世笑今政自韓氏出吾肯出其門  
哉遂對畢拂衣出闕侂冑聞之大怒批旨予祠阮  
於是趨隱廬山嘉定元年卒今湖廣總志以阮爲  
德安人蓋誤以江州德安縣爲德安府耳總志如

此謬誤甚多閱者不可不詳也

馮子振

馮子振號海粟，攸州人。仕元，爲集賢待制、宣撫使。元史陳孚傳曰：攸州馮子振，其豪俊與孚畧同。孚極敬畏之，自以爲不可及。子振於天下之書無所不記，當其爲文酒酣耳熱，命侍吏二三人潤筆以俟。子振據案疾書，隨紙數多，寡頃刻輒盡。雖事料醖郁，美如簇錦，律之法度未免乖刺，人亦以此少之。

聖楷曰：馮子振附見元史中，人多不知。然亦立稱。

其敏捷故今所傳梅花百詠華清樂府皆無足採  
攸州卽今攸縣元陞爲州楚紀作寧鄉誤又按陳  
氏書錄侯延慶字季長長沙人有退齋詞一卷其  
摩卷爲天寧節萬年歡鍾將之字仲山長沙人嘗  
爲編修官有岫雲詞一卷劉過字改之襄陽人有  
詞一卷今皆不傳惟劉改之猶見其小詞一二可  
誦

楚寶良史論次

古者典籍圖法皆史也蒼頡沮誦皆史臣也自周官設而史之職始重春秋作而史之權始一故周室旣東王章紊亂伯臣強辟猶時從周太史問祥禳焉下逮漢武秦灰旣冷書積丘山龍門應運而生三史並時而著雖云繼美麟止實則論同目睫嗣是國不一錄代不一手范穢陳誣互有得失揚善貶惡未見其人嗚吟難言之矣余生長楚服久淹庠序未讀中秘之書頗負汗青之志日月斯邁愛玩陳編十不得一

古人同恨蓋鷄犬僅蒙穀所負耨耜乃後人僞作汲冢之書不出江陵之火再焚亦何從發異聞也惟夫丘明述春秋內傳而倚相作祖紫陽定漢晉正統而鑿齒開先此固博達高明淵源深大令輒千古者矣執簡以往意在斯乎述良史策八凡一卷

良史

左史倚相

鐸椒

習鑿齒

鄧 攸

蔡允恭

路振

崔遵度

歐陽玄

廖昇



楚寶卷十九

明 梁谿高世泰彙旃父鑒定

湘潭後學周聖楷輯纂

侄贊春較訂

良史

左史倚相

左史倚相世爲楚左史故以官稱倚相倚相廷見申  
公子亶子亶不出左史謗之舉伯以告子亶怒而出  
曰女無亦謂我老耄而舍我而又謗我左史倚相曰

唯子老耄故欲見以交儆。子若子方壯能經營百事。倚相將奔走承序於是不給。而何暇得見。昔衛武公年數九十有五矣。猶箴儆於國。曰。自卿以下至于師長士苟在朝者。無謂我老耄而舍我。必恭恪於朝。朝夕以交戒。我聞一二之言。必誦志而納之。以訓導我。在與有旅賁之規。位乎有官師之典。倚几有誦訓之諫。居寢有替御之箴。臨事有替史之導。宴居有師工之誦。史不失書。矇不失誦。以訓御之。於是乎作懿戒。以自儆也。及其沒也。謂之睿聖武公。子實不睿聖於

倚相何害。周書曰：文王至于日中，旻不遑暇食，惠于小民，惟正之供。文王猶不敢惰，今子老楚國而欲自安也，以禦數者，王將何爲？若常如此，楚其難哉？子賈曰：老之過也。乃驟見左史司馬子期，欲以其妾爲內子，訪之左史。倚相曰：吾有妾而愿欲筭之，其可乎？對曰：昔先大夫子囊違王之命，謚子夕，嗜芟子木，有餘饋而無芟，薦君子曰：違而道穀陽，豎愛子反之勞也。而獻飲焉，以斃於鄢。羊尹中亥從靈王之欲，以隕於乾谿。以二女君子曰：從而逆君子之行，欲其道也，故

進○退○周○旋○唯○道○之○從○夫○子○木○能○違○若○若○救○之○欲○以○道○  
而○去○之○薦○吾○子○經○楚○國○而○欲○薦○之○以○干○之○其○可○乎○子○  
期○乃○止○

韓○非○說○林○曰○荆○伐○陳○吳○救○之○軍○間○三○十○里○雨○十○日○  
夜○星○左○史○倚○相○謂○子○期○曰○雨○十○日○甲○輯○而○兵○聚○吳○  
人○必○至○不○如○備○之○乃○爲○陳○陳○未○成○也○而○吳○人○至○見○  
荆○陳○而○反○左○史○曰○吳○反○覆○六○十○里○其○君○子○必○休○小○  
人○必○食○我○行○三○十○里○擊○之○必○可○敗○也○乃○從○之○遂○破○  
吳○軍○

劉向說苑曰越破吳請師於楚以伐晉楚王與大夫皆懼將許之左史倚相曰此恐吾攻已故示我不病請爲長轂千乘卒三萬與分吳地也莊王聽之遂取東國  
聖楷曰吳救陳越破吳俱是楚惠王時事說苑作莊王者誤也且惠四年楚子期伐陳吳延州來季子救陳謂子期曰二君不務德而力爭諸侯民何罪焉我請退以爲子名乃還未嘗有破吳之事惠十六年越滅吳惠四十四年楚始東侵廣地至泗

上○所○謂○遂○取○東○國○者○或○常○是○時○也○耶○然○是○時○司○馬○  
子○期○死○白○公○之○難○已○二○十○餘○年○而○左○史○倚○相○常○靈○  
王○在○乾○谿○時○稱○爲○良○史○計○其○年○近○百○餘○歲○人○矣○猶○  
能○坐○策○兵○機○如○此○豈○非○楚○國○方○城○之○重○寶○哉○恐○未○  
盡○然○

鐸椒

鐸椒楚大夫威王時爲太傅慮王不能盡觀春秋采  
取成敗四十章以獻名曰鐸氏微

聖楷曰此鐸氏春秋或孔子旣作之春秋也先是  
晉語云悼公與司馬侯升臺而樂因問德義對曰  
諸侯之爲日在君側以其善行以其惡戒可謂德  
義矣公曰孰能對曰羊舌肸習於春秋乃使叔向  
傅太子彪又楚莊王使士亹傅太子箴申叔時曰  
教之春秋而爲之聳善而抑惡焉以戒勸其心唐

韋昭注云春秋紀人事之善惡而日以天時謂之  
春秋周史之法也按此時孔子未作春秋而列國  
已有其書者當是周史所掌而列國奉之爲戒勸  
耳然則孔子之作春秋不獨尊魯史之名而且因  
周官之舊故曰春秋天子之事也若非周史原有  
此書孔子卽能竊取其義猶然魯之春秋耳何以  
行於列國而使亂臣賊子懼哉從來贗贗特爲拈  
出以俟識者



習鑿齒

習鑿齒字彥威襄陽人也宗族富盛世爲鄉豪鑿齒  
少有志氣博學洽聞以文章著稱荊州刺史桓溫辟  
爲從事江夏相袁粲深器之數稱其才於溫轉西曹  
主簿親遇隆密時溫有大志追蜀人知天文者至夜  
執手問國家祚運修短答云世祀方永溫疑其難言  
乃歸辭云如君言豈獨吾福乃蒼生之幸然今日之  
語自可令盡必有小小厄運亦宜說之星人曰太微  
紫微文昌三宮氣候如此夫無憂虞至五十年外不

論耳溫不悅乃止。異日送絹一疋，錢五千文以與之。星人乃馳詣鑿齒，曰：「家在益州，被命遠下，今受旨自裁，無由致其骸骨。緣君仁厚，乞爲標碣棺木耳。」鑿齒問其故，星人曰：「賜絹一疋，令僕自裁，惠錢五千以買棺耳。」鑿齒曰：「君幾誤死，君嘗聞千知星宿有不覆之義乎？此以絹戲君，以錢供道中資，是聽君去耳。」星人大喜，明便詣溫，別溫問去意。以鑿齒言答溫，笑曰：「鑿齒憂君誤死，君定是誤活。然徒三十年看儒書，不如一詣習主簿，累遷別駕，溫出征伐，鑿齒或從或守所。」

在任職每處機要蒞事有績善尺牘論議溫甚器遇之時清談文章之士韓伯伏滔等並相友善後使至京師簡文亦雅重焉既還溫問相王何似答曰生平所未見以此大忤溫旨左遷戶曹叅軍時有桑門釋道安俊辨有高才自北至荊州與鑿齒初相見道安曰彌天釋道安鑿齒曰四海習鑿齒時人以為佳對初鑿齒與其二舅羅崇羅友俱為州從事及遷別駕以坐越舅右屢經陳請溫後激怒既盛乃超拔其二舅相繼為襄陽都督出鑿齒為棗陽太守溫弟秘亦

有才氣素與鑿齒相親善鑿齒既罷歸與秘書曰  
吾○以○去○五○月○三○日○來○達○襄○陽○觸○目○悲○感○晷○無○懽○情○痛○  
惻○之○事○故○非○書○言○之○所○能○具○也○每○定○省○家○舅○從○北○門○  
入○西○望○隆○中○想○臥○龍○之○吟○東○眺○白○沙○思○鳳○雛○之○聲○北○  
臨○樊○墟○存○鄧○老○之○高○南○春○城○邑○懷○羊○公○之○風○縱○目○檀○  
溪○念○崔○徐○之○友○肆○睇○魚○梁○追○二○德○之○遠○未○嘗○不○徘○徊○  
移○日○惆○悵○極○多○撫○乘○躊○躇○慨○爾○而○泣○曰○若○乃○魏○武○之○  
所○置○酒○孫○堅○之○所○隕○斃○裴○社○之○故○居○繁○玉○之○舊○宅○遺○  
事○猶○存○星○列○滿○目○璅○璅○常○流○碌○碌○凡○士○焉○足○以○感○其○

方寸哉夫。芬芳起于椒蘭。清響生乎琳琅。命世而作  
佐者。必垂可大之餘風。高尚而邁德者。必有明勝之  
遺事。若向人君子者。千載猶使義想其爲人。况相去  
之不遠乎。彼一時也。此一時也。焉知今日之才。不如  
曠。展百年之後。吾與足下。不並爲景升乎。其風期俊  
邁如此。是時溫。覲覲非望。鑿齒在硯。著漢晉春秋。以  
裁正之。起漢光武。終於晉愍帝。於三國之時。蜀以宗  
室爲正。魏武雖受漢禪。晉尙爲篡逆。至文帝平蜀。乃  
爲漢臣。而晉始興焉。引世祖諱炎興。而爲禪受。明天

心不可以勢力強也。凡五十四卷。後以脚疾遂廢于里巷。及襄陽陷。千符堅歸。素聞其名。與道安俱興而致焉。既見。與語大悅之。賜遣甚厚。又以其塞疾。與諸鎮書。惜晉氏平吳利在二陸。今破漢南。獲士裁一人。有半耳。俄以疾歸。襄陽尋而襄鄧反正。朝廷欲徵鑿齒。使典國史。會卒不果。臨終上疏曰。臣每謂皇晉空越魏繼漢。不應以魏後爲三恪。而身微官卑。無由上達。懷抱愚情三十餘年。今沉淪重疾。性命難保。遂嘗懷此。當與之朽爛。區區之情。切所悼惜。謹力疾著論。

一篇寫上如左。願陛下考尋古義求經常之表超然  
遠覽不以臣微賤廢其所言論曰。或問魏武帝功益  
中夏文帝受禪於漢而吾子謂漢終有晉豈實理乎  
且魏之見廢晉道亦病晉之臣子寧可以聞此言哉  
答曰。此乃所以尊晉也。但絕節赴曲非常耳。所悲見  
殊心異。雖奇莫察。請爲子言焉。昔漢氏失御九州殘  
隔。三國乘間。罪時數世。干戈日尋。流血百載。雖各有  
偏平。而其實亂也。宣皇帝勢逼當年。力制魏氏。屢屈  
從時。遂羈戎役。晦明掩耀。龍潛下位。俛首重足。鞠躬

屏息道有不容之難。躬蹈履霜之險。可謂危矣。魏武  
既亡。大難獲免。始而擒孟達。東蕩海隅。西抑勁蜀。旋  
撫諸夏。摧吳人。入侵之鋒。掃曹爽之忌。之黨。植靈根  
以跨中嶽。樹羣才以翼子弟。命世之志。既恢。非常之  
業亦固。景文繼之。靈武冠世。尅伐貳違。以定厥庸。席  
卷梁益。奄征西極。功格皇天。勲侔古烈。豐規顯祚。故  
以灼如也。至於武皇。遂并疆吳。混一宇宙。又清四海。  
同軌二漢。除三國之大害。靜漢末之交爭。開九域之  
蒙晦。定千載之盛功。若皆司馬氏也。而推魏繼漢。以



晉承魏比義唐虞自託純臣豈不惜哉。今若以魏有  
代王之德。則其道不足。有靜亂之功。則孫劉鼎立。道  
不足。則不可謂制當年。當年不制于魏。則魏未曾爲  
天下之至王道。不足于曹。則曹未始爲一日之王矣。  
昔共工伯有九州。秦政奄平區夏。鞭撻華戎。事總六  
合。猶不見序于帝王。淪沒于戰國。何況暫制數州之  
人。威行境內而已。便可推爲一代者乎。若以晉嘗事  
魏。懼傷皇德。拘惜禪名。謂不可割。則惑之甚者也。何  
者。隗囂據隴。公孫帝蜀。蜀隴之人。雖服其役。取之大

義於彼何有。且吳楚僭號。周室未亡。子文延陵不見  
貶絕。宣皇帝官魏。逼於性命。舉非擇木。何虧德美。禪  
代之義。不同堯舜。校實定名。必彰於後。人各有心事。  
胡可掩定。空虛之魏。以屈於已。孰若執義。而以貶魏。  
哉。夫命世之人。正情遇物。假之際會。必兼義勇。宣皇  
祖考立功於漢。世篤爾勞。思報亦深。魏武超越。志在  
傾主。德不素積。義險冰薄。宣帝與之情將何重。雖形  
屈當年。意申百世。降心全已。憤慨於下。非道服北。而  
有純臣之節。畢命曹氏。忘濟世之功者也。夫成業者

係於所爲不係所藉立功者言其所濟不言所起是  
故漢高稟命於懷王劉氏乘斃於亡秦超二僞以遠  
嗣不論近而計功考五德於帝典不疑道於力政季  
無承楚之號漢有繼周之業取之旣美而已德亦重  
故也凡天下事有可借喻於古以曉於今定之往昔  
而足爲來證者當陽秋之時吳楚二國皆僭號之王  
也若使楚莊推鄢郢以尊有德闔閭舉三江以奉命  
世命世之君有德之至或藉之以應天或撫之而光  
定彼必自係於周室不推吳楚以爲代明矣况積勲

累功靜亂寧衆數之所錄衆之所與不資於燕會之  
授不賴於因藉之力長轡廟堂吳蜀兩斃逆奇二紀  
而平定天下服魏武之所不能臣蕩累葉之所不能  
除者哉自漢末鼎沸五六十一年吳魏犯順而強蜀入  
杖正而弱三家不能相一萬姓曠而無主夫有定天  
下之大功爲天下之所推孰如見推於閭人受尊於  
微弱配天而爲帝方駕於三代豈比俛首於曹氏側  
足於不正卽情而恒實取之而無慙何與說事而託  
僞開亂於將來者乎是故故舊之恩可封魏後三恪

之數不空見列以晉承漢功實顯然正名當事情體  
亦厭又何爲虛尊不正之魏而虧我道於大通哉昔  
周人誅祖宗之德追述翦商之功仲尼明大孝之道  
高禘配天之義然後稷勤於所職聿來未以翦商異  
於司馬任仕乎曹族三祖之寓於魏世矣且夫魏自  
君之道不正則三祖臣魏之義未盡義未盡故假塗  
以運高畧道不正則君臣之節有殊然則弘道不以  
輔魏而無逆取之嫌高拱不勞汗馬而有靜亂之功  
者蓋勲足以王四海義可以登天位雖我德慙於有

周而彼道異於殷商故也。今子不疑共工之不得列  
於帝王不嫌漢之係周而不係秦何至於一魏猶疑  
滯而不化哉。夫欲尊其君而不知推之於堯舜之道  
欲重其國而反厝之於不勝之地豈君子之高義若  
猶未悟請於是止矣。子辟強才學有父風位至驃騎  
從事中郎

聖楷曰習彥威著漢晉春秋其書雖不傳其論則  
斷不可易且如后稷孫子未始剪商漢有天下不  
係于秦皆足破後儒之陋傳也。蘇子瞻正統辨論

謂聽其自得者十曰堯舜夏商周秦漢晉隋唐予  
其可得者六以存教曰魏梁後唐晉漢周其意亦  
未嘗不至習氏但其文字縱橫遊戲使人不覺耳  
故朱子修綱目卒取彥威之說蓋彥威意雖至尊  
晉猶不失春秋之大義蘇子意雖併興魏晉而已  
全授奸暴之空名此又不可無辨也聞之本朝有  
績溪士子胡廷瑞著宋後宋統一書竟元文宗之  
世俱稱德祐恭帝每春正月稱帝在瀛洲國帝在  
籍田國而于懿璘質班之死卽稱元亡然後書德

祐帝自廢于荒漢其意甚善嘉靖二十三年奏聞  
下部格不行先輩張東沙家尙存其書



鄧粲

鄧粲，長沙人。少以高潔著名，與南陽劉璘之、南潁劉  
尚公、同志友善。並不應州郡辟命。荊州刺史桓沖卑  
辭厚禮，請粲爲別駕。粲嘉其好賢，乃起應召。璘之尚  
公謂之曰：「卿道廣學深，衆所推懷。忽然改節，誠失所  
望。」粲笑答曰：「足下可謂有志於隱，而未知隱。夫隱之  
爲道，朝亦可隱，市亦可隱。隱初在我不在於物。尚公  
等無以難之。」然粲於此名譽減半矣。後患足疾，不能  
朝拜，求去職，不聽。令臥視事。後以病篤，乞骸骨，許之。

粲以父騫有忠信言而世無知者乃著元明紀十篇  
注老子並行於世

聖楷按世說注所引鄧粲晉紀與續晉陽秋恒多  
雅致足補舊聞而晉書謂其祖述前史葦宇重軒  
之下施牀連榻之上奇詞異義罕見稱焉者或亦  
過情之貶乎然卽其論隱亦具名通唐張謂長沙  
士風碑云軾鄧粲之宅足以表儒風吾不能無慨  
然矣

蔡允恭

蔡允恭江陵人父名大業仕後梁爲左氏尚書允恭  
美姿容工於詩仕隋爲起居舍人煬帝有所賦必令  
諷誦遣教官人俾入宮改內史舍人允恭恥之由是  
疎斥所著有後梁春秋十卷

聖楷曰晉漢以前朝野俱重史學故紀年書事世  
有其人降自六朝唐宋聲律旣興時文日盛學士  
家能舉前代之年號者蓋亦寡矣况能探索四十  
一家之義例十四萬卷之藏編乎允恭史學雖不

炳○著○然○當○亂○世○事○  
先○世○之○書○其○逸○節○  
史○風○規○何○多○讓○焉○  
皦○皦○視○柳○晉○諸○人○相○去○遠○矣○良○  
淫○至○獨○能○深○懷○宮○嬪○之○恥○  
繼○造○

路振

路振字子發，永州祁陽人。唐相巖之四世孫。巖貶死，嶺外其孫琛避地湘潭間，遂居焉。振父洵，美事馬希果，署連州從事，謝病終于家。振幼穎悟，五歲誦孝經，論語十歲聽講陰符，裁百言而止。洵美責之，俾終其業。振曰：「百言演道足矣，餘何必學？」洵美大奇之。十二丁外艱，母氏慮其廢業，日加誨激。雖隆冬盛暑，未始有懈。淳化中舉進士，太宗以詞場之弊，多事輕淺，不能該貫古道，因試卮言。日出賦，時就試者凡數百人。

咸。曙。胎。忘。其。所。出。振。寒。素。遊。京。師。所。作。賦。尤。爲。典。瞻。  
太。宗。甚。嘉。之。擢。寅。甲。科。釋。褐。大。理。評。事。通。判。御。州。徙。  
徐。州。召。還。直。史。館。復。遣。之。任。遷。太。子。中。允。知。濱。州。一。  
日。契。丹。至。城。下。兵。少。民。相。恐。衆。謂。振。文。吏。無。戰。禦。方。  
器。環。聚。而。泣。振。乃。親。加。撫。諭。且。以。敵。盛。不。可。與。爭。鋒。  
空。堅。壁。自。守。數。日。契。丹。引。去。轉。運。使。劉。綜。稱。其。能。詔。  
書。褒。美。常。作。祭。戰。馬。文。叙。云。咸。平。中。契。丹。犯。高。陽。關。  
執。大。將。康。保。喬。畧。河。朔。天。子。幸。魏。特。遣。將。王。榮。以。五。  
千。騎。追。之。榮。無。將。才。但。能。馳。射。受。命。逗。遛。伺。賊。渡。河。

而後發有剽滑齊者數千騎尙屯直沽榮不欲見敵  
遂以其騎畧河南岸而還晝夜急騎馬不秣而道斃  
者十有四五天子憫之遣使收瘞焉因作祭文其辭  
曰房駟之精降爲驪驂飲泉呀風泥沙激霆虎脊孤  
聳龍媒勢獵丹髦曉霞的顙秋星第方著幹空乘旋  
膺巉臚角起方背珠明爾其絕塞草荒八月隕霜毛  
縮蹄堅筋舒脉張獸惡噬虬猛欲驤噴沙散沫干  
里飛雲圍人負紉武士索鐵前遮後突雷動地裂忽  
挽一而制百終伏撾而受綫牧官劬劬歲入參書蹄

躐○繫○通○乎○見○區○名○駒○大○駘○銜○尾○入○塞○勞○其○所○長○飾○  
以○駟○會○蜀○錦○吳○繪○積○如○丘○陵○馬○歸○於○我○雖○重○幣○入○於○  
彼○則○輕○於○是○絡○黃○金○之○羈○浴○天○池○之○波○鼓○鬣○雲○衢○弄○  
影○星○河○或○蹊○而○齧○或○顛○而○叱○原○蠶○巾○禁○駟○駿○何○多○帝○  
念○神○物○來○經○遠○道○閭○之○內○殿○養○之○外○卑○飲○以○玉○池○秣○  
之○瑤○草○窮○冬○邊○塵○入○我○河○濟○羽○書○霄○飛○龍○馭○北○巡○  
仗○下○之○名○馬○屬○閭○外○之○武○臣○珣○戈○電○燭○禁○旅○星○陳○授○  
以○長○策○帥○以○全○軍○壯○士○怒○兮○山○可○壁○猛○馬○哮○兮○虎○可○  
咋○何○噉○嗜○之○無○勇○反○遷○延○而○避○地○冰○霜○淒○淒○介○甲○而○



馳不飲不秣載渴載饑駿馬餒死行人嗟咨委天骨  
於衢路反星精於雲霧報主恩之無及齊戎力而何  
誤生芻致祭樊帷成禮瘞而高岡全爾具體焉如有  
神知帝之仁又撰伐棘篇辭曰秋風颭颭棘子丹折  
根破抵堅且頑斲夫愁起汗污顏攢鋒束芸趨道還  
稊之森森繚長藩暮冬號風雲暗天漏寒不鳴守火  
眠至人堂上多金錢東陵暴客來窺垣舉手觸鋒身  
隕顛千矛萬戟爭後先襟袖結裂不可揜蹠破指傷  
流血殷神離氣沮走踟躕數尺之墻弗復攀索頭醜

奴○播○河○壩○朔○方○屯○師○連○七○年○木○波○馬○嶺○沙○填○填○氣○脉○  
不○絕○如○喉○咽○官○軍○虎○怒○思○吼○軒○強○弩○一○發○山○河○穿○將○  
不○協○謀○空○即○安○翫○養○小○醜○成○寇○顛○推○芻○挽○粟○徒○喧○喧○  
邊○臣○無○心○靜○國○艱○爲○余○諷○此○伐○棘○篇○識○者○聞○而○壯○之○  
又○以○西○兵○未○弭○入○判○大○理○寺○改○太○常○丞○知○河○中○府○徙○  
知○鄧○州○代○還○判○吏○部○南○曹○三○司○至○景○德○中○使○福○建○巡○  
撫○俄○判○登○聞○鼓○院○會○修○兩○朝○國○史○以○振○爲○編○修○官○大○  
中○祥○符○初○使○契○丹○撰○乘○輶○錄○以○獻○改○太○常○博○士○左○司○  
諫○擢○知○制○誥○振○文○詞○溫○麗○屢○奏○賦○頌○爲○名○輩○所○稱○尤○

長於詩多警句及居文翰之職深愜物議自是彌加  
精厲從祀熊毫時同職分局掌事振獨直行在專典  
綸命賤奏填委應用無滯時推其敏贍七年同修起  
居汪張復崔遵度以書事悞失降秩擇振與夏竦代  
之嗜酒得疾有集二十卷嘗乘五代末九國君臣行  
事作世家列傳書未成卒錄其子綸爲太常奉禮郎  
聖楷曰先達謂修史在於得人○有學問文章而不  
知史事○不可與有學問文章知史事高心術不正  
不可與若路振心術固無可議○卽其學問文章史

事○唐○宋○以○來○湖○南○文○士○未○易○及○也○伐○棘○篇○可○擬○老○  
杜○桃○竹○諸○作○祭○戰○馬○文○體○識○亦○在○六○朝○以○上○惜○不○  
得○其○乘○輶○錄○讀○之○何○止○文○獻○凋○落○之○感○按○長○沙○志○  
以○振○作○湘○源○人○今○從○宋○史○

崔遵度

崔遵度字堅白江陵人七歲授經於叔父憲嘗以春秋編年史漢紀傳之例問於憲憲曰此兒他日成令名矣太平興國八年舉進士解褐和川主簿轉臨汾饋芻糧三抵綏州涉無定河河沙與水泥流無跡陷溺相繼遵度憫之著銘以紀焉端拱初轉運副使夏侯濤上其勒狀召歸對便殿因獻文自薦時新建秘閣命中書試作頌一首擢著作佐郎淳化中吏部侍郎李至薦之還殿中丞出知忠州李順之亂坐夫城

池貶崇陽令移鹿邑咸平初復爲太子中允景德初  
內出遵度名引對崇政殿詔索所著文召試舍人院  
改太常丞直史館會修兩朝國史與路振金爲編修  
官太中祥符元年命同修起居注東封進博士祀汾  
陰是歲真宗以兩省官絕少故因覃慶選補之命爲  
左司諫遵度與物無競口不言是非淳澹清素勢利  
泊如也掌右史十餘歲立墀上常退厓楹間慮上見  
之善鼓琴得其深趣所敕舍甚湫隘有小閣手植竹  
數本朝退默坐其上彈琴獨酌脩然自適嘗著琴牋

云世之言琴者必曰長二尺六寸象期之日十三徽  
象期之月居之者象閏前世未有辨者至唐協律郎  
劉颺以樂器配諸節候而謂琴爲夏至之音至於泛  
聲卒無述者愚嘗病之因張弓附案泛其弦而十三  
徽聲具焉况琴瑟之絃乎是知非所謂象者蓋天地  
自然之節耳又豈止夏至之音而已夫易有太極是  
生兩儀兩儀者太極之謂也四時者兩儀之節也律  
呂者四時之節也晝夜者律呂之節也刻漏者晝夜  
之節也節節相受自細至太而歲成焉節氣之自然

者也。氣既節矣。聲同則應。既節且應。則天地之交成矣。文之義也。或任形而著。或假物而彰。日星文乎上。山川理乎下。動物植物。花者節者。五色具矣。斯任形者也。至於人有五性而不著。以事觀之。然後著。目有五色而不見。以水觀之。然後見。氣有五音而不聞。以絃攷之。然後聞。斯假物者也。是故聖人不作易而能知自然之數。不作琴而能作自然之節。何則。數本於一。而成於三。因而重之。故易六畫而成卦。及其應也。一必於四。二必於五。三必於六。焉節節相召。其應也。



必矣。卦既畫矣，故畫琴焉。始以一弦泛桐，當其節則潛然而號，不當其節則泯然無聲。豈人力也哉！且徽有十三，而居中者一一自中而左，泛有三焉；右泛有三焉。其聲殺而已。絃盡則聲滅，及其應也，一必於四，二必於五，三必於六焉。節節相召，其應也必矣。易之畫也，偶三爲六，三才之配具焉。萬物由之而出，雖曰六畫及其數也，止三而已矣。琴之畫也，偶六而根於一一，鍾者道之所生也。在數爲一，在律爲黃，在音爲宮。在木爲根，在四體爲心。衆徽由之而生，雖曰十三

及○其○節○也○三○而○已○矣○卦○之○德○方○經○也○著○之○德○圓○緯○也○  
故○萬○物○不○能○逃○六○象○微○其○節○經○也○絃○五○音○緯○也○故○衆○  
音○不○能○勝○其○文○先○儒○謂○八○音○以○絃○爲○君○絃○以○動○爲○君○  
愚○謂○琴○以○中○微○爲○君○盡○矣○夫○微○十○三○者○蓋○可○聞○者○也○  
苟○盡○絃○而○考○之○乃○有○二○十○三○微○焉○是○一○氣○也○丈○絃○具○  
之○尺○絃○亦○具○之○豈○有○長○短○大○小○之○限○哉○蓋○萬○物○本○於○  
天○地○天○地○本○於○太○極○太○極○至○於○萬○物○聖○人○本○於○道○道○  
本○於○自○然○自○然○至○於○無○爲○樂○本○於○琴○琴○本○於○中○微○中○  
微○至○於○無○聲○是○作○易○者○天○地○之○象○也○作○琴○者○天○地○之○

聲也。往者藏音而未談，來者專聲而忘理。琴箴之作也，庶乎近之。苟其闕也，請俟君子世稱其知言。九年，仁宗以壽春魏王開府，詔宰相擇耆德有學術者，咸謂遵度力學有士行，稱長者，遂命與張士遜、金爲王友。改戶部員外郎，賜服金紫。府中文翰皆遵度所作。國史成，拜吏部員外郎，歷禮部兼左諭德。未幾，命使契丹，判司農卿。遵度性寡合，喜讀易，嘗云：「意有疑，則彈琴辨其數筮，易觀其象，無不究也。」天禧四年八月卒。年六十七。官其子二人，孫二人。仁宗立，詔贈工部

侍郎有集二十卷

聖楷按范仲淹嘗問琴理遵虔對曰清麗而靜和潤而遠琴盡是矣

無定河考

輿地廣記唐銀州東北有無定河卽圓水也後人因漬沙急流淺深不定故更今名唐陳祐詩無定河邊暮笛聲赫連臺畔旅人情函關越路千餘里一夜秋風白髮生陳陶詩誓掃匈奴不顧身五千貂錦喪胡塵可憐無定河邊骨猶是春閨夢裏人

歐陽玄

歐陽玄字原功其先家廬陵與文忠公修同所自出至曾太父新始遷居瀏陽故玄爲瀏陽人幼岐嶷母李氏親授孝經論語小學諸書八歲能成誦始從鄉先生張貫之學日記數千言卽知屬文十歲有黃冠師注目視玄謂貫之曰是兒神氣凝遠目光射人異日當以文章冠世廊廟之器也言訖而去亟追與語已失所之部使者行縣玄以諸生見命賦梅花詩立成十首晚魁增至百首見者駭異年十四益從宋故

老習爲詞章每試庠序輒占高等弱冠下帷數年人  
英見其而經史百家靡不研究伊洛諸儒源委尤爲  
淹貫延祐元年詔設科取士玄以尙書與貢明年賜  
進士出身授岳州路平江府同知調太平路兼湖縣  
尹縣多疑獄久不決玄察其情皆爲平翻案右不法  
害其驅奴玄斷之從良貢賦徵發及時民樂趨事教  
化大行飛蝗不入境改武岡縣尹縣控制溪洞蠻獠  
雜居撫字稍乖輒弄兵犯順玄至踰月赤水大清兩  
洞張展攻殺官曹相顧失色計獲從出玄卽日單騎

從二人徑抵其地論之至則死傷滿道戰鬪未已獠  
人熟玄各棄兵仗羅拜馬首曰我曹非不畏法緣訴  
禁事於縣縣官不爲直反以繇役橫歛倍克之情有  
弗堪乃發憤就死耳玄驗以禍福爲理其訟獠人遂  
安召爲國子博士陞國子監丞致和元年遷翰林待  
制兼國史院編修官時當兵興玄領印攝院事日直  
內廷叅決機務凡遠近調發制詔書檄以至改元天  
曆郊廟建后立儲肆赦之文皆經撰述復條時政數  
十事實封以聞多推行之明年初置奎章閣學士院

又置藝文監隸焉皆選清望官若之文宗親署玄爲藝文少監奉詔纂修經世大典陞太監檢校書籍事元統元年改僉太常禮儀院事拜翰林直學士編修四朝實錄俄兼國子祭酒召赴中都議事陞侍講學士復兼國子祭酒重紀至元五年足患風痺乞南歸以便醫藥帝不允拜翰林學士未幾懇辭去位帝復不免免其行朝賀禮至正改元更張朝政事有不便者集議廷中玄極言無隱科目之復沮者尤衆玄力爭之未幾南歸復起爲翰林學士以疾未行詔修遼



金、宋、三、史、召、爲、總、裁、官、發、凡、舉、例、俾、論、撰、者、有、所、據、  
依、史、官、中、有、論、議、不、公、者、玄、不、以、口、舌、爭、俟、其、呈、藁、  
援、筆、竄、定、之、統、系、自、正、至、於、論、贊、表、奏、皆、玄、屬、筆、五、  
年、帝、以、玄、歷、仕、累、朝、且、有、修、三、史、功、諭、旨、丞、相、超、授、  
爵、秩、遂、擬、拜、翰、林、學、士、承、旨、及、入、奏、上、稱、快、者、再、三、  
已、而、乞、致、仕、不、允、御、史、臺、奏、除、福、建、廉、訪、使、行、次、浙、  
西、疾、復、作、乃、休、歸、南、山、隱、居、優、游、山、水、間、復、拜、翰、林、  
學、士、承、旨、玄、屢、力、辭、不、獲、命、奉、勅、定、國、律、尋、乞、致、仕、  
陳、情、懇、切、乃、特、授、湖、廣、行、中、書、省、右、丞、致、仕、賜、白、玉、

束帶給俸以終其身。將行，帝復降旨不允，仍前翰林學士承旨進階光祿大夫。十四年，汝穎盜起，蔓延南北州縣，幾無完城。玄獻招捕之策千餘言，鑒鑒可行。當時不能用。十七年春，乞致仕，不允。時將大赦，宣赴內府。玄久病，不能步履。丞相傳旨，肩輿至延春閣下。實異數也。是歲十二月戊戌卒。年八十五。帝賜賻甚厚，贈崇仁昭德推忠守正功臣、大司徒、柱國，追封楚國公。謚曰文玄。性度雍容，含弘，縝密處已，儉約爲政。廉平，歷官四十餘年。在朝之日，殆四之三。三任成均。

兩爲祭酒六入翰林三拜承旨修實錄大典三史皆  
大製作屢至文衡兩知貢舉及讀卷官凡宗廟朝廷  
雄文大冊播告萬方制誥多出玄手金縢上尊之賜  
幾無虛歲海內名山大川釋老之宮王公貴人墓隧  
之碑得玄文辭以爲榮片言隻字流傳人間咸知寶  
重玄無子以從子達爲後復先玄卒有圭齋文集若  
千卷傳于世

楊用修曰宋史表首稱相阿魯圖其實歐陽玄之  
筆也其爲卷六百文百萬言自有史冊以來未有

若是多者也。其自謂辭之煩簡以事文之。今古以時。蓋欲自成一代書。而不強附昔人是也。其可憾者。有紀一事而先後不同。一人而彼此不同。由修之者。非一手也。愚觀自古文籍。至宋而憾焉。非憾乎人也。所憾于上之人。壞古修史之法也。史始於尚書。春秋大抵皆一人之筆。尚書雖雜出。然而紀一事自一篇。一篇自一人。春秋則孔子特筆而門人一辭。不能贊者矣。春秋三傳各以其意釋經。而其事傳焉。若國語。若世本。若戰國策。皆一家言自

史記下十七代之書亦皆一人成之唐書雖文忠  
與景文共之然而卷帙互分兩美相合至元修宋  
遼金三史此法壞矣原其所以由胡人在位大臣  
寡學不欲中國之人擅其所長故不惟其人惟其  
官不惟其實惟其名其長不知所美其短不知所  
委其先後矛盾復何怪哉雖然豈始于宋哉後漢  
東觀大集羣儒著述無主條章靡立由是伯度譏  
其不實公理以爲可焚張蔡二子糾之於當代傳  
范兩家嗤之於後葉其傳卒亦不廣唐中宗世史

司取士。勿記一事。載一言。皆開筆相視。含毫不斷。  
義稟監修。辭從指受。由是劉知幾謂。頭白可期。汗  
青無日。卒不能成其書也。原宋史一書。其實類此。  
蓋漢唐皆文人相張。元則羯胡相參。其形跡之拘。  
忌義例之蒙昧。豈特如漢唐人所譏而已。嗚呼。元  
所壞者。宋一代史。猶之可也。而其法遂使嗣代襲  
用之。今日一代之史。可以一人成。不以爲駭。則以  
爲狂矣。其貽害於中國禍於斯文者。可重爲慨也。

廖昇

廖昇襄陽人。學行最知名。與方孝孺、王紳輩友善。洪武中爲左府斷事。上知其賢。二十九年六月擢太常少卿。建文元年正月勅修高皇實錄。禮部左侍郎兼翰林學士董倫、右侍郎兼翰林學士王景彰爲總裁官。昇及翰林侍講學士高巽志爲副總裁。昇博雅有史才。朗達負氣。書靖難兵事語多撫實。聞茹譽等龍潭還。慟哭與家人訣自縊死。都御史陳瑛奏昇與黃觀等皆不順天命。效死建文。其存心與叛逆

等並宜追戮上詔勿問

聖楷曰蜀中蛾眉亭嘗有建文遺臣題詩云一箇  
忠臣九族殃全身遠害亦天常夷齊死後君臣薄  
力爲君王固首陽讀此詩乃歎廖昇之死正爲君  
王愛青史耳萬曆甲申十二年秀水屠叔方嘗以  
建文仗節諸臣請謚請祠請修治塚墓請恤錄子  
孫而交遊姻黨之波及以世世編戊者請一體赦  
宥已蒙 旨特賜允行嗣後詔修正史言臣亦以  
建文爲請 皇上許復年號并綴其事于洪武之



末嗟乎繼志述事

聖德如天使陳瑛輩有知

不愧死哉

又按永樂十一年翰林庶吉事錢習禮與練子寧  
有姻婭先是逮治奸黨習禮偶獲免而恒爲鄉人  
所持以告楊榮榮乘間以聞上欣然曰使子  
寧尚在朕固當用之況習禮乎卽日下令由是黨  
禁漸解又張太后大漸乃召諸閣臣于榻前問  
朝廷尙有何大事未辨者士奇首對有三事其一  
建文君雖已滅會臨御四年當命史官修其一朝

實錄仍用建文之號。后曰：曆日已革，除之豈可？復用對曰：曆日行于一時，萬世信史，豈可蒙洪武之年以亂寶？后納之。其二，后亦首占其三方。孝孺已誅，皇帝詔收其片言一字，論苑乞弛其禁聽令存而傳之。后默然未答。士奇等卽趨下叩頭言三事，臣等謹受顧命。

楚寶命使論次

使臣者奉一人之命結兩國之好歷騁四方之域而  
周知天下之故者也豈徒侈輜軒巡履聲芳玄步而  
已哉故周官設九儀以大其典達六節以授其符成  
六瑞以昭其信合六幣以致其誠於其使事將畢也  
又錄爲五書以盡其職爲使臣慮至繁且慎降自春  
秋此禮漸廢而任責尤重一言之不酬一揖之不中  
而兩國爲之暴骨甚至私輸國情潛啓外寇玉帛化  
爲戈矛皇華疲于奔命又若後世埋輪攬轡擊斫成

威窮源度祚遠探極欲旌節四出辭令鮮聞於以傳  
美往賢流芳篆素其可得乎昔葉公子高使齊朝受  
命而夕飲冰吾夫子語之曰夫傳兩喜兩怒之言天  
下之難者也兩喜必多溢美之言兩怒必多溢惡之  
言又曰無遷令無勑成美成在久惡成不及改嗟乎  
爲使之道盡此矣述命使第九凡一卷

命使一

蓮章

蓮罷

鍾儀

蓮啓疆

伍舉

王孫圉

馬

良

潘

董

恢

京

柳

義

先

邵

曄

楚寶命使論次終